

Yes heads of Muslim majority countries cannot be but Muslims

or go to partition...

بعض الاصدقاء عميسألوا انو ضروري يا خيي إسلام سوريا والبلاد العربية كلها يحطوا انو دين الرئيس لازم يكون الإسلام؟ ما اصلاً المسلمين اكثر من ٩٠-٩٥٪ من السكان إذا مش ١٠٠٪. انو منين بدو يجي مسيحي عبر انتخابات... يا جماعة، المسلمين أمة. شعب. مفروض يكون عندن الدولة الإسلامية (أعني دولة اسمها "الدولة الإسلامية") لتحكم. الفرنسيون عندن دولة فرنساوية. والالمان دولة المانية.

طيب. اجا الغرب وفرطلن دولتن الإسلامية، غير انو هني فرطوا نصّاً قبل. نحنا من قول العثمانية بس هي إسلامية. راسها كان الخليفة. صارت سوريا والعراق و"جزء من لبنان" ومصر الخ...

فبالنسبة مثلاً لمسلمي سوريا، مش طبيعي يجي مسيحي رئيس، مش لان دينو غير شي، انما لأن من غير شعب. هو آرامي - سرياني. ثقافته غير شي. قوانينه الاجتماعية غير شي. بمصر هو قبطي. بالعراق اشوري. (عمبسط) هلق بتقولوا انو هني محتلين بلاد المسيحي، هيدا موضوع ما بمت بصلة للواقع. الواقع اليوم هيك.

فغير انو بحطوها نكاية لقصة انو الحاكم لازم يكون مسلم، بحطوها حمايةً. ومش مسلم كدين. مسلم كدنيا كمان.

تخيلوا واحد انكليزي يكون رئيس الدولة الفرنسية او الايرلندية. طيب تخيلو غير واحد آرامي رئيس الدولة الإسلامية. إيه، غير المسلم صار غريب ع أرضه بالدول الإسلامية (أعني الدول التي يفوق المسلمون فيها نسبة ٥٠٪)، هيدا واقع (إلا بلبنان، وحتى بلبنان غير المسلم بالمناطق ذات الأكثرية المسلمة كمان غريب ع أرضه).

يعني من الآخر طبيعي يحطوا هيك، أكان نكاية او لأ بس حماية، لأن لازم يكون في شي بدساتيرن بوضّح انو هني دولة إسلامية، طالما انو الدولة بجوهرها ما اسمها "الدولة الإسلامية"، وطالما المواطن اسمو سوري وعراقي... وما اسمو مسلم. بعدان، قديش هالدولة بدها تلتزم بتفاصيل من الشريعة، هيدا موضوع خاص فيها وبشعبها.

أما المسيحيين بهالدول، للأف الواقع هيك، بعيشوا مثل ما عاشوا مدة ١٣٠٠ سنة، لحد ١٩٢٠، ضمن قوانين هالدول الإسلامية (يلي من سمياها حالياً عربية وتركية وفارسية الخ...). مثل اي الماني أو ايطالي عايش بفرنسا أو روسيا أو تركيا أو إيران.

بس الفرق هو انو ممكن الالمانى يصير مع الوقت إدارياً وحتى وجدانياً فرنساوي (يعني ينسى وجدانه الالمانى مع الوقت، مثل كمان اللبنانيين من الجيل الثالث والرابع بالبرازيل، أكثر شي بيعرف انو اصوله لبنانية)، ويضل مسيحي او ملحد، بس بدولة إسلامية، تلقائياً "مجبور" يصير مسلم، لانو الدين معلق بالدنيا.

كل شي ممكن نتماناه للأقليات غير المسلمة ساعتها انو ما يتم الإجحاف بحقن وانو ما يتعاملوا بإذلال الشروط العمرية، باعتبارن اصحاب الأرض الأصليين وإنو ما عندن محل يهاجروا. بالنتيجة هني قراب للغرب بمطرح لأن فرد تيار عالمي، بس منن فرد شعب هني والشعوب الغربية. مطرحن الاساسي هون. أو بيضهروا من التاريخ. ف ايه المسيحي ما بيجي رئيس، بس مش ضروري يأشمل وينمنع یرن جرس كنيسة او يعمل زياح او يستلم وظيفة ادارية. يعتبروه أجنبي يا عمي... مثل شي لبناني او إنكليزي بنيجيريا...

ملاحظة: إذا هيك بقيوا الأحزاب الكنعية والكنيسة بلبنان لا بهشّوا ولا بنشّوا، نفس الشي ح ينطبق ع كنعية لبنان.